

古今文綜

野居書齋

古今文綜 第六部 辭賦雜文之屬

第三十八冊

目錄

第一編 辭賦類

第四章 祭弔哀誄

(甲)祭文

(一)無韻之祭文

(子)祭親族

唐張說爲將軍高力士祭父文

唐權德輿祭孫男法延師文

唐韓愈祭十二郎文

唐李商隱祭小姪女寄寄文

唐李商隱爲王從事妻万俟氏祭先舅司徒文

明唐順之祭先考有懷府君文

清湯傳楹哭蓮兒文

清吳定祭從兄暎遠文

清袁枚祭妹文

清吳汝綸祭汝上府君文

(丑)祭他人

魏武帝祭橋公文

明歸有光祭外舅魏光祿文

明歸有光祭外姑文

清劉大槐祭舅氏文

清胡天游爲如皋公與僚屬祭鎮海吳將軍文

(寅)祭古

清袁枚祭吳桓王廟文

清劉嗣綰祭吳孝子廟文

清彭兆蓀告楚元王廟文

清汪士鐸至聖誕辰祝文

清汪士鐸至聖升遐祝文

清汪士鐸武廟祭文

清汪士鐸名宦祠告文

清汪士鐸鄉賢祠告文

(卯) 雜祭

唐張說祭江祈晴文

唐韓愈祭鱷魚文

宋歐陽修祈雨祭漢高皇帝文

清王昶祭陣亡將士文

清顧壽楨誥幽魄文

(二)有韻之祭文

(子)祭親族

晉陶潛祭從弟敬遠文

梁劉令嫺祭夫徐悱文

唐韓愈祭鄭夫人文

清汪琬亡男筠祖奠文

清李慈銘祭內子馬淑人文

清李慈銘祭仲弟文

王先謙祭嫂楊宜人文

(丑)祭他人

宋王僧達祭顏光祿文

唐權德輿祭楊校書夫人文

唐韓愈祭河南張員外文

唐韓愈祭柳子厚文

宋歐陽修祭石曼卿文

宋蘇軾祭歐陽文忠公文

宋王安石祭歐陽文忠公文

宋王安石祭高師雄主簿文

宋王安石祭周幾道文

清顧景星祭僕戴金文

清陳維崧祭侯仲衡先生文

清曾國藩祭湯海秋文

清左宗棠祭胡文忠公文

(寅)祭古

宋謝惠連祭古冢文

宋顏延之祭屈原文

唐韓愈祭田橫墓文

(卯)雜祭

晉陶潛自祭文

唐張說爲魏元忠作祭石嶺戰亡兵士文

唐張說爲魏元忠作祭石嶺沒陷士女文

唐韓愈潮州祭神文

唐柳宗元祭井文

清蔡橈亂後公祭遇害諸亡靈文

(乙) 弔文

(一) 無韻之弔文

梁任昉弔劉文範文

清劉開弔師荔扉先生文

(二) 有韻之弔文

漢賈誼弔屈原文

漢禰衡弔張衡文

魏麴元弔夷齊文

晉陸機弔魏武帝文

唐李華弔古戰場文

清汪中經舊苑弔馬守真文

清汪中弔黃祖文

清劉嗣綰弔梁鴻文

(丙)哀詞

(一)文

晉潘岳哀永逝文

清汪中哀鹽船文

清錢振倫哀任氏姊文

(二)讚

清李兆洛青州府同知趙公沈宜人哀讚

清陸獻恩呂母譚太孺人哀讚

(三)詞

(子)無韻之哀詞

清汪中汪純甫哀詞

(丑)有韻之哀詞

(金)哀親族

魏曹植仲雍哀詞

魏曹植金瓠哀詞

晉潘岳金鹿哀詞

清邵齊燾七姪婦方氏哀詞

清陸繼輅從孫申右哀辭

清梅曾亮福姪哀詞

清曾國藩母弟溫甫哀詞

清許景澄高夫人哀辭

(石)哀他人

唐韓愈獨孤申叔哀辭

宋蘇軾鍾子翼哀詞

清孔廣森林氏子哀辭

清彭兆蓀汪孝婦哀詞

(丁)誄文

(一)無韻之誄文

周魯哀公誄孔子文

(二)有韻之誄文

(子)誄親族

周柳下惠妻柳下惠誄

晉盧諶尙書侯盧府君誄

清洪亮吉適汪氏仲姊哀誄

清陳寶亡妻王孺人誄

(丑) 誄他人

魏曹植王仲宣誄

晉潘岳楊仲武誄

宋顏延之陶徵士誄

清孫星衍洪節母誄

清劉嗣綰潘君妻周孺人誄

清彭兆蓀李忠毅公誄

清李兆洛趙收菴先生誄辭

清董祐誠林太孺人誄

古今文綜 第六部 辭賦雜文之屬

第三十八冊

杭縣張 相譔錄

杭縣姚漢章閱訂

第一編 辭賦類

第四章 祭弔哀誄

頌贊箴銘文多刻石。祭弔哀誄體亦有然。魏孝文弔比干墓文。唐太宗祭比干文。石墨鐫華。藝林拱璧。歐陽公胥夫人墓誌。云爲哀詞一篇。藏諸墓。曾南豐蘇明允哀詞。刻之塚上。不特蔡中郎集。胡公夫人哀讚。爲墓銘之別稱也。則哀詞亦刻石也。誄以納石。亦稱墓誄。故彥和雕龍。誄碑並稱。則誄文亦刻石也。茲合爲一章述之。

(甲)祭文

孝經疏云。祭者。際也。人神相接。故曰際也。周禮。大祝掌六祝之辭。

以事鬼神示告饗有文此其嚆矢迄乎後世體寢孳乳唐翼修曰祭文之用有四祈禱雨暘驅逐邪魅千求福澤哀痛死亡如此而已茲復分析并省曰祭親族曰祭他人曰祭古曰雜祭而各以無韻有韻分著於篇

(一)無韻之祭文 凡四目

(子)祭親族 錄十首

唐張說爲將軍高力士祭父文

維開元十七年月日孝子力士敢告於考潘州府君妣南海太君之靈小子不天夙齡閔凶身嬰寇剽家值虜裂幸供洒掃之餘遂蒙侍從之顧扶戴明聖逼畏艱難大固不敢不密小亦不敢不誠事必記心言無漏口日愼一日將二十年玉弁加首金章在佩先靈納祐明神降鑒阿母遠至於京華妹兄自拔於泥滓咸以官漸榮祿姻通士林慈顏復慶於目前同氣展歡於膝下又緣幼育高氏變族移家敬愛盡於二堂溫清周於一紀不圖無狀招禍永見孤棄聖主恩華曲逮存沒

邑封舊郡。官贈本邦。親感恩澤。子承父意。致命報天。誓有同於皦日。竭忠資孝。志無忝於幽泉。敬惟靈懷。慰聞昭遂。先遠有日。卜兆新塋。遙啟尊魂。合祔良壤。哀迫祖載。攀戀須臾。謹以清酌少牢。恭陳遺奠。盈樽不舉。虛饌莫嘗。號天叩地。殞絕何仰。

唐權德輿祭孫男法延師文

維元和十二年。歲次丁酉。五月庚申朔。十三日壬申。翁翁婆婆。以乳菓之奠。致祭於九歲孫男法延師之靈。爾之敏悟。爾之孝愛。纔至亂齒。已能知書。倦息猶在於文字。嬉遊不離於硯席。其姿狀有外祖河南之風。懿茲夙成。必謂致遠。疾瘍所遭。醫禱無瘳。竟罹夭枉。痛切心骨。況自二歲三哭。殤孫逝者日遠。存者無幾。吾以衰年多病。支體不隨。爾父在京。不見其絕。痛爾樸檟歸遵。畏途今日。哀懷尤倍。常理頃者。求拔苦海。依歸度門。故於斂襲。率以緇褐。今之祖奠。靡設羶腥。苦痛之深。遣割不去。臨路長痛。嗚呼奈何。

唐韓愈祭十二郎文

年月日。季父愈。聞汝喪之七日。乃能銜哀致誠。使建中遠具時羞之奠。告汝十二郎之靈。嗚呼。吾少孤。及長。不省所怙。惟兄嫂是依。中年兄沒南方。吾與汝俱幼。從嫂歸葬河陽。既又與汝就食江南。零丁孤苦。未嘗一日相離也。吾上有三兄。皆不幸早世。承先人後者在孫。惟汝在。子惟吾兩世一身。形單影隻。嫂常撫汝指吾而言曰。韓氏兩世惟此而已。汝時尤小。當不復記憶。吾時雖能記憶。亦未知其言之悲也。吾年十九。始來京城。其後四年。而歸視汝。又四年。吾往河陽省墳墓。遇汝從嫂喪來葬。又二年。吾佐董丞相於汴州。汝來省吾。止一歲。請歸取其孥。明年丞相薨。吾去汴州。汝不果來。是年吾佐戎徐州。使取汝者始行。吾又罷去。汝又不果來。吾念汝從於東。東亦客也。不可以久。圖久遠者。莫如西歸。將成家而致汝。嗚呼。孰謂汝遽去吾而沒乎。吾與汝俱少年。以爲雖暫相別。終當久相與處。故捨汝而旅食京師。以求斗斛之祿。誠知其如此。雖萬乘之公相。吾不以一日輟汝而就也。去

年孟東野往。吾書與汝曰：吾年未四十而視茫茫而髮蒼蒼而齒牙動搖念諸父與諸兄皆康彊而早世如吾之衰者其能久存乎。吾不可去汝不肯來恐旦暮死而汝抱無涯之戚也。孰謂少者歿而長者存彊者夭而病者全乎。嗚呼其信然邪其夢邪其傳之非其真邪。信也。吾兄之盛德而天其嗣乎。汝之純明而不克蒙其澤乎。少者彊者而夭歿長者衰者而存全乎。未可以爲信也。夢也。傳之非其真也。東野之書耿蘭之報何爲而在吾側也。嗚呼其信然矣。吾兄之盛德而天其嗣矣。汝之純明宜業其家者不克蒙其澤矣。所謂天者誠難測而神者誠難明矣。所謂理者不可推而壽者不可知矣。雖然吾自今年來蒼蒼者或化而爲白矣。動搖者或脫而落矣。毛血日益衰志氣日益微。幾何不從汝而死也。死而有知其幾何離其無知悲不幾時而不悲者無窮期矣。汝之子始十歲吾之子始五歲少而彊者不可保如此孩提者又可冀其成立邪。嗚呼哀哉。嗚呼哀哉。汝去年書云比得輒腳病。往往而劇。吾曰是疾也。江南之人常常有之。未始以爲憂也。嗚呼其竟以此